

# INUIT ATAQATIGIIT INATSIARTUNI



UKA2025/54

13.11.2025

Mimi Karlsen

**Utoqqalinersiallit tamarmik toqqissisimasumik akilersinnaasamillu angerlarsimaffeqartinnissaat qanoq ililluta qulakkeersinnaaneripput pillugu apeqquteqaat aallaavigalugu oqallinnissamik siunnersuut.**

(Inatsisartunut ilaasortaq Bo Martinsen, Demokraatit)

## **Oqaaseqaat.**

Inuit Ataqtigii pingaartipparput utoqqaat inuunermi sinnerani toqqissisimaffigisaminni namminerisaminnik angerlarsimaffeqarnissaat. Utoqqartagut tassaajuarlittoq sulil ilaqutariinni qitiullutik katersuuffiusut, kinguariinnut sulit tapertaallutik annertoqqutaallutillu inooqataasut.

Utoqqalinersiallit tamarmik toqqissisimasumik akilersinnaasamillu angerlarsimaffeqartinnissaat Inuit Ataqtigii pingaarteqaarput.

Utoqqaliniersiallilli tamarmik assigiinngitsuupput. Inuttulli allatut kissaateqarlutillu pisariaqartitaat assigiinngitsuupput. Taamaammat inuiaqtigii piareersimaffigiuartariaqarparput inissanik assigiinngitsunik peqartuarnissaq. Inissiat pisortat imaluunniit kommuunit pigippatigit isumagineqartariaqarpoq qulakkeerlugulu utoqqalinersiallit imaluunniit siusinaarlutik sulisinnaarnersiutillit inniminnikkanik ineqartinneqartarnissaat.

Inuit Ataqtigii isumaqarpugut Utoqqalinersiallit tamarmik toqqissisimasumik akilersinnaasamillu angerlarsimaffeqartinnissaat assigiinngitsutigit piareersimaffigineqartassasoq.

Utoqqaat nammineq illoqareerpata aserfallattaaliinissamut  
pitsanngorsaanissamullu taperneqarsinnaanerit atuuttut

# INUIT ATAQATIGIIT INATSIARTUNI



erseqqissarneqartariaqarput. Assersuutigalugu illumut tummeraqarpallaarpat, taava tummeqqat iluarsaannissaannut akiliunneqarsinnaanerit ersarillutillu piuminartuunissaat pisariaqarpoq.

Utoqqalinersiallit tamarmik toqqissisimasumik akilersinnaasamillu angerlarsimaffeqartinnissaat isumannaarneqarsinnaavoq inissialiormi tamani isumannaallisassallugu, inissiat tikikkuminarnerit ilaat utoqqarnut inniminneriissallugit.

Aammattaaq periarfissaassagaluarpog maanna inuusuttut ilinniartutikilliarthornerini kolligiani inissiannguit ilaat utoqqarnut attartortissinnaassallugit. Soorunami kolligianik piginnittup kommunillu akornanni tamanna aqqinneqarsinnaappat.

Pisortanit utoqqalinersiallit tamarmik toqqissisimasumik akilersinnaasamillu angerlarsimaffeqartinnissaat assigiingitsutigut taperneqarsinnaaneri amerlisarsinnaavagut. Maannamut kommunit utoqqaat illuliorniaraangata namminersorlutik oqartussat kommunillu avitseqatigiillutik akiliisinnaapput. Periarfissat taanna avitseqatigiinneq annertunerusariaqarpoq, soorlu utoqqaat pisinnaanerusut angerlarsimaffissaanik kommunit sananiarunik aamma avitseqateqarsinnaallutik.

Periarfissat arlaqartut ujartortariaqarpagut. Utoqqaat allanik illoqateqarlutik (kollektiv) illugisinnaasaannik sananermi pisortanit avitseqateqarnissamik periarfissaqartitsisinnaavugut.

Utoqqalinersiallit tamarmik toqqissisimasumik akilersinnaasamillu angerlarsimaffeqartinnissaat aamma sulisartut kattuffiisa angerlarsimaffiliornissamut peqataaffiginerusinnaavaat, tamanna eqqartornerusariaqarpoq.

# INUIT ATAQATIGIIT INATSIARTUNI



Utoqqalinersiallit tamarmik toqqissisimasumik akilersinnaasamillu angerlarsimaffeqartinnissaat immaqa aamma anguneqarsinnaavoq tamanit isumaqatigiissusiorfigigaanni sumiluunniit ineqaraanni, utoqqalinersiaqarneq patsisigalugugu akimik aalajangersimasumik akiliisarluni. Assersuutigalugu, inissiami, illumi sumiikkaluamiluunniit najugaqaraanni annerpaamik qammammut 1000. kr akiliisarluni. Tamannalu piginnittup kommuniuguni, namminersorlutik oqartussaaguni naminersortuuguniluunniit qanoq aaqqiissinnaaneq isumaqatiginninniutigisinnaappassuk.

Inuit Ataqtiginni utoqqalinersiallit tamarmik toqqissisimasumik akilersinnaasamillu angerlarsimaffeqartinnissaat assigiinngitsutigut anguniartuartarniissaa isumaqataaffigaarput, sulinerpullu tassunga tungatittuassallutigu. Qujavugullu oqallisissiamut.